

ХҮМҮҮНЛЭГИЙН УХААНЫ ИХ СУРГУУЛИЙН СУРАЛЦАГЧ ЭЛСҮҮЛЭХ ЖУРАМ

Нэг. Ерөнхий зүйл

- 1.2 БСШУЯ-аас батлан гаргасан 2013 оны 03 дугаар сарын 18-ны өдрийн А/79 тоот “Оюутан элсүүлэх журам” (БСШУЯ-ны сайдын 2016 оны 03 дугаар сарын 16-ны өдрийн А/87 тоот тушаалаар нэмэлт өөрчлөлт орсон), 2014 оны А/370 дугаар тушаалаар баталсан “Магистр, докторын сургалт эрхлэх нийтлэг журам”, 2018 оны 04 дүгээр сарын 06-ны өдрийн БСШУСЯ-ны сайдын А/194 тоот тушаал (нэмэлт өөрчлөлт орсон), Хүмүүнлэгийн ухааны их сургууль (цаашид “Сургууль ” гэс)-ийн захирлын 2022 оны 01 дүгээр сарын 26-ны өдрийн А/11 тоот тушаалаар баталсан “Дээд боловсролын зэрэг олгох сургалтын журам”-ыг үндэслэн Сургуульд суралцагч элсүүлэн суралцуулна.
- 1.3 Энэхүү журмаар элсэлтэд тавигдах шаардлага, элсэлтийн зохион байгуулалт, сонгон шалгаруулалт, сургалтын төлбөр, хураамж зэрэг элсэлтийн үйл ажиллагааг зохицуулна.
- 1.4 Элсэгчийн тоо бакалаврын хөтөлбөрт 40, магистрын хөтөлбөрт 10, докторын хөтөлбөрт 1-ээс дээш тохиолдолд бүлэг бүрдэж тухайн хөтөлбөрөөр сургалт зохион байгуулна.
- 1.5 Өмнө нь эзэмшсэнээс өөр чиглэлээр магистр, докторын зэргийн хөтөлбөрт суралцахыг хүссэн элсэгчид сургалтын агуулгын залгамж, чанарыг хангахад шаардагдах зөрүү хичээлийг мэргэжлийн тэнхимийн санал, зөвшөөрөл дээр үндэслэн судална. Эдгээр хичээлийн багц цаг нь магистр, докторын зэрэг олгох үндсэн ачаалалд тооцогдохгүй.
- 1.6 Бүртгүүлэгч өөрийн хувийн мэдээллийн үнэн, зөв, бүрэн байдлыг бүрэн хариуцна.
- 1.7 Сургуульд элсэхийг хүссэн гадаадын харьяат иргэний элсэлтийн үйл ажиллагааг Сургуулийн “Гадаадын иргэнийг суралцуулах журам”-аар зохицуулна;

Хоёр. Нэр томьёо

- 2.1 “Бүртгүүлэгч” - Сургуулийн бакалавр, магистр, докторын хөтөлбөрт элсэхээр хүсэлт гаргасан иргэн.
- 2.2 “Элсэгч” - элсэх шалгуур ханган “Суралцагч суралцуулах гэрээ” хийн баталгаажуулсан бүртгүүлэгч.
- 2.3 “Элсэлтийн комисс” - Захирлын тушаалаар томилогдсон элсэлтийн үйл ажиллагааг зохион байгуулах бүрэлдэхүүн.
- 2.4 “Хяналтын тоо” - Сургуулийн Удирдах зөвлөлийн баталсан 2022-2023 оны хичээлийн жилд элсүүлэх суралцагчийн тоо.
- 2.5 “Оройн бакалаврын хөтөлбөр” - өмнө нь өдрийн хэлбэрээр бакалаврын зэрэг эзэмшсэн иргэнд зориулсан хөтөлбөр.

Гурав. Элсэлтийн комиссын эрх, үүрэг

3.1 Эрх

- 3.1.1 Элсэлтийн үйл ажиллагааг удирдан зохион байгуулж, бусад алба, нэгжүүдтэй хамтран ажиллах;

- 3.1.2 Энэхүү журмыг мөрдлөг болгон бусдаас үл хамааран, бие даан шалгаруулалт хийн шийдвэр гаргах;
- 3.1.3 Энэхүү журмын 1.4 дүгээр заалтын дагуу бүлэг бүрдээгүй хөтөлбөрийг хаах;
- 3.1.4 Хяналтын тоонд хүрээгүй хөтөлбөрүүдэд нэмэлт элсэлт зохион байгуулах;
- 3.1.5 Энэхүү журмаар зохицуулагдахгүй элсэлттэй холбогдох маргаан, гомдлыг асуудлыг зохих дүрэм, журмын дагуу шийдвэрлэх;
- 3.1.6 Дүрэм, журмын шаардлага хангаагүй, ёс бусаар хандсан бүртгүүлэгчид үйлчилгээ үзүүлэхээс татгалзах;

3.2 Үүрэг

- 3.2.1 Үйл ажиллагаандаа “Боловсролын тухай”, “Дээд боловсролын тухай” хуулиуд, энэхүү журмыг удирдлага болгох;
- 3.2.2 Удирдах зөвлөлийн баталсан хяналтын тоонд багтаан суралцагч элсүүлэх;
- 3.2.3 Элсэлттэй холбогдох мэдээллийг сургуулийн цахим хуудас <http://www.humanities.edu.mn>, бүртгэлийн систем, нийгмийн сүлжээ, утас, элсэлтийн комиссын цахим шуудангаар тухай бүр мэдэгдэх;
- 3.2.4 Элсэгчдийг бүртгэх, сонгон шалгаруулах ажлыг удирдах, зохион байгуулах, элсэгчдээс гаргасан гомдлыг хянан шийдвэрлэх, элсэлтийн дүн мэдээг гаргах;
- 3.2.5 Энэхүү журмын 3.1.3 дүгээр заалтын дагуу гарсан шийдвэрийг тухай бүр мэдэгдэж, шийдвэрлэх;

Дөрөв. Элсэгчдэд тавигдах шаардлага

- 4.1 Элсэгч нь “Суралцагч суралцуулах гэрээ” болон Сургуулийн “Дээд боловсролын зэрэг олгох сургалтын журам”, “Сургалтын төлбөр тооцооны журам”-тай танилцсан байна.

4.2 Бакалаврын хөтөлбөр

- 4.2.1 Боловсролын үнэлгээний төв (цаашид “БҮТ” гэх)-д бүртгэлтэй байна.
- 4.2.2 Энэхүү журмын **Хавсралт-1**-д заасан хичээлээр 2020, 2021, 2022 онд элсэлтийн ерөнхий шалгалт (цаашид “ЭЕШ” гэх)-ын харгалзах шалгуурыг хангасан байна.
- 4.2.3 Элсэх хөтөлбөрөөр цаашид амжилттай суралцаж төгсөх чадамжтай байна.
- 4.2.4 Оройн бакалаврын хөтөлбөрөөр суралцах тохиолдолд бакалаврын зэрэг эзэмшсэн, Англи хэлний элсэлтийн шалгалт өгч 79%-аас дээш үнэлгээ авсан байна.

4.3 Магистр, докторын хөтөлбөр

- 4.3.1 Магистрын хөтөлбөрт бакалаврын зэрэгтэй, үнэлгээний голч нь 2.0 ба түүнээс дээш байна.
- 4.3.2 Докторын хөтөлбөрт судалгааны ажил гүйцэтгэж байсан туршлагатай, магистрын зэрэгтэй, үнэлгээний голч нь 3.0 ба түүнээс дээш байна.
- 4.3.3 Англи хэлний элсэлтийн шалгалт өгч 79%-аас дээш үнэлгээ авсан байна.

4.4 Гадаадын иргэн

- 4.4.1 Тухайн хөтөлбөрт тавигдах шаардлагын дагуу Монгол улсад мөрдөгдөж буй стандарттай дүйцэх боловсрол эзэмшсэн байна.
- 4.4.2 Монгол хэлний элсэлтийн шалгалт өгч 79%-аас дээш үнэлгээ авсан байна.

Тав. Хөтөлбөрт бүртгүүлэх

- 5.1 Бүртгүүлэгч нь энэхүү журамтай танилцаж хүлээн зөвшөөрснөөр элсэлтийн үйл ажиллагаанд оролцоно.
- 5.2 Бүртгүүлэгч Сургуулийн цахим хуудас болох <http://www.humanities.edu.mn> хаягаар элсэлтийн системд нэвтэрч өөрийн бүртгэлийг үүсгэнэ.
- 5.3 Бүртгүүлэгч холбогдох мэдээлэл болон шаардагдах материал бүрэн оруулсан тохиолдолд тухайн хөтөлбөрт бүртгүүлсэнд тооцно.
- 5.4 Бүртгэл баталгаажуулсан тохиолдолд хөтөлбөр сонголтод өөрчлөлт оруулах боломжгүй болно.
- 5.5 Бүртгүүлэгч шалгаруулалтын үр дүнг өөрийн цахим шуудан болон элсэлтийн системд нэвтрэн хянана.

5.6 Өдрийн бакалаврын хөтөлбөр

- 5.6.1 Бүртгэлийг **2022 оны 05 дүгээр сарын 23-наас 2022 оны 06 дугаар сарын 26-ны** хооронд хүлээн авна.
- 5.6.2 Бүртгүүлэгч БҮТ-ийн системд нэвтрэх бүртгэлийн дугаар, нууц үгээ ашиглан элсэлтийн системд нэвтэрч, хувийн мэдээллээ зааврын дагуу оруулан бүртгүүлнэ.

5.7 Оройн бакалаврын хөтөлбөр

- 5.7.1 Бүртгэлийг **2022 оны 05 дүгээр сарын 23-аас 2022 оны 08 дугаар сарын 20-ны** хооронд хүлээн авна.
- 5.7.2 Бүртгүүлэгч элсэлтийн системд бүртгэл үүсгэж дараах мэдээллийг зааврын дагуу оруулна. Үүнд:
- Иргэний үнэмлэхийн хуулбар эсвэл лавлагаа;
 - Бакалаврын зэргийн диплом, түүний хавсралт (диплом Дээд боловсролын удирдлага мэдээллийн системд бүртгэлтэй байх, гадаадад төгссөн бол албан ёсны орчуулга хийлгэж, нотариатаар баталгаажуулсан байх);

5.8 Магистр, докторын хөтөлбөр

- 5.8.1 Бүртгэлийг **2022 оны 05 дүгээр сарын 23-аас 2022 оны 08 дугаар сарын 20-ны** хооронд хүлээн авна.
- 5.8.2 Бүртгүүлэгч элсэлтийн системд бүртгэл үүсгэж дараах мэдээллийг зааврын дагуу оруулна. Үүнд:

Магистрын хөтөлбөр

- Иргэний үнэмлэхийн хуулбар эсвэл лавлагаа;
- Бакалаврын зэргийн диплом, түүний хавсралт (Дээд боловсролын удирдлага мэдээллийн системд бүртгэлтэй байх, мөн гадаадад төгссөн бол албан ёсны орчуулга хийлгэж, нотариатаар баталгаажуулсан байх);

Докторын хөтөлбөр

- Иргэний үнэмлэхийн хуулбар эсвэл лавлагаа;
- Магистрын зэргийн диплом, түүний хавсралт (Дээд боловсролын удирдлага мэдээллийн системд бүртгэлтэй байх, мөн гадаадад төгссөн бол албан ёсны орчуулга хийлгэж, нотариатаар баталгаажуулсан байх)
- Бүтээлийн жагсаалт;

5.9 Гадаадын иргэн

5.9.1 Бүртгэлийг **2022 оны 05 дугаар сарын 23-аас 2022 оны 08 дугаар сарын 20-ны** хооронд хүлээн авна.

5.9.2 Бүртгүүлэгч элсэлтийн системд бүртгэл үүсгэж дараах мэдээллийг зааврын дагуу оруулна. Үүнд:

- Гадаад паспортын хуулбар, баталгаат орчуулгын хамт;
- Өмнө нь эзэмшсэн болосролын түвшинг илтгэх гэрчилгээ, диплом , дүнгийн хуулбар /баталгаат орчуулгаар орчуулсан байх/;
- Суралцах хүсэлтээ илэрхийлсэн өргөдөл /Монгол хэлээр/;
- Эрүүл мэндийн магадалгааг холбогдох эмнэлгийн байгууллагаар баталгаажуулсан байх;

Зургаа. Суралцагч элсүүлэн шалгаруулах

6.1. Өдрийн бакалаврын хөтөлбөр

6.1.1. БСШУС-ын сайдын 2022 оны 04 дүгээр сарын 22-ны өдрийн А/138 тоот тушаалыг үндэслэн энэхүү журмын **Хавсралт-1-д** заасан шалгуурыг үндэслэн шалгаруулна.

6.1.2. Элсэлтийн комисс 2022 оны 06 дугаар сарын 26-ны өдөр хүртэл хүсэлт илгээсэн нийт бүртгүүлэгчийн ЭЕШ-ын нийлбэр оноогоор жагсаан тухайн хөтөлбөрийн хяналтын тоогоор тасалбар болгох зарчим баримтална.

6.1.3. Шалгарсан бүртгүүлэгч “Суралцагч суралцуулах гэрээ”-ний нөхцөлийг хүлээн зөвшөөрч нэхэмжлэлийн дагуу сургалтын төлбөр бүрэн төлсөн өдрөөс эхлэн гэрээ хүчин төгөлдөр болно.

6.1.4. Гэрээ хүчин төгөлдөр болсон дарааллаар хяналтын тоонд багтаан элсүүлнэ.

6.1.5. Хяналтын тоонд багтсан элсэгч цахим шуудангаар илгээх удирдамжийн дагуу хичээлийн жилийн сургалтын үйл ажиллагаанд бүртгүүлэн оролцоно.

6.1.6. Элсэгч дараах бичиг баримтыг бүрдүүлж гэрээний дагуу 2022 оны 09 дүгээр сарын 16-ны дотор Сургалтын албанд сургуулийн цахим хуудас болон шуудангаар хүргэх хуваарийн дагуу хүлээлгэн өгнө.

- Гарын үсэг зурж албажуулсан “Суралцагч суралцуулах гэрээ”;
- Иргэний цахим үнэмлэхийн хуулбар эсвэл лавлагаа;
- Элсэлтийн ерөнхий шалгалтын батламж;
- Бүрэн дунд боловсролын гэрчилгээ;
- Цээж зураг /хэмжээ 3x4, 2 хувь/;
- Өөрийн суралцах бэлтгэл (сурлага) авьяас чадвар, туршлага, хувийн зан чанар, хэрхэн суралцахаа илэрхийлэн бичсэн эссэ (200-250 хүртэлх үгтэй);

- Элсэгч 19 нас хүрсэн бол эрүүл мэндийн даатгалд хамрагдан шимтгэл төлсөн баримт (2022 оны 09 дүгээр сарын 01 -ээс 12 дугаар сарын 31 -ийг дуустал хамрагдсан байх);

6.2. **Магистр, доктор, оройн бакалаврын хөтөлбөр**

- 6.2.1. Магистр, доктор, оройн бакалаврын сургалт эрхлэх нийтлэг журам болон 5.8.2-т заасан бүртгүүлэгчийн материалыг үндэслэн энэхүү журмын **Хавсралт-2-д** заасан шалгуураар шалгаруулна.
- 6.2.2. Англи хэлний чадварын шалгалтыг бүртгүүлэгч бүртгэл үүсгэх явцад удирдамжийн дагуу өгсөн байна.
- 6.2.3. Элсэлтийн комисс 2022 оны 08 дугаар сарын 20-ны өдөр хүртэл хүсэлт илгээсэн нийт бүртгүүлэгчийн боловсролын зэргийн голч, Англи хэлний шалгалтын оноо, докторын хөтөлбөрийн хувьд нэмэлтээр судалгааны бүтээл, туршлагыг, харгалзан жагсаан тухайн хөтөлбөрийн хяналтын тоогоор тасалбар болгох зарчим баримтална.
- 6.2.4. Шалгарсан бүртгүүлэгч “Суралцагч суралцуулах гэрээ”-ний нөхцлийг хүлээн зөвшөөрч, нэхэмжлэхийн дагуу **2022 оны 08 дугаар сарын 20-аас 2022 оны 08 дүгээр сарын 27-ны** хооронд сургалтын төлбөр бүрэн төлсөн өдрөөс эхлэн гэрээ хүчин төгөлдөр болно.
- 6.2.5. Гэрээ хүчин төгөлдөр болсон дарааллаар хяналтын тоонд багтаан элсүүлнэ.
- 6.2.6. Хяналтын тоонд багтсан элсэгч цахим шуудангаар илгээх удирдамжийн дагуу хичээлийн жилийн сургалтын үйл ажиллагаанд бүртгүүлэн оролцоно.
- 6.2.7. Элсэгч дараах бичиг баримтыг бүрдүүлж гэрээний дагуу 2022 оны 09 дүгээр сарын 17-ны дотор Сургалтын албанд хуваарийн дагуу хүлээлгэн өгсөн байна.
 - Гарын үсэг зурж баталгаажуулсан Суралцагч суралцуулах гэрээ;
 - Иргэний цахим үнэмлэхийн хуулбар эсвэл лавлагаа;
 - Цээж зураг /хэмжээ 3x4, 2 хувь/;
 - Өмнөх боловсролын гэрчилгээ;
- 6.2.8. Суралцах эрх үүссэн эсэхийг бүртгүүлэгчид шалгалт өгсөн өдрөөс хойш ажлын 3 хоногт багтаан элсэлтийн системээр дамжуулан мэдэгдэнэ.

6.3. **Гадаадын иргэн**

- 6.3.1. Гадаад оюутан элсэх, суралцахтай холбоотой бусад харилцааг Сургуулийн захирлын 2018 оны 9 дүгээр сарын 20-ны өдрийн А/281 тоот тушаалаар батлагдсан “Хүмүүнлэгийн ухааны их сургуульд гадаадын иргэн суралцуулах журам”-ийг үндэслэн энэхүү журмын Хавсралт 1, Хавсралт 2-т заасан шалгууртай дүйцүүлэн Монгол хэлний шалгалтын оноог үндэслэн шалгаруулна.
- 6.3.2. Монгол хэлний чадварын шалгалтыг бүртгүүлэгч бүртгэл үүсгэх явцад явцад удирдамжийн дагуу өгсөн байна.
- 6.3.3. Элсэлтийн комисс 2022 оны 08 дугаар сарын 20-ны өдөр хүртэл хүсэлт илгээсэн нийт бүртгүүлэгчийн боловсролын зэргийн голч, Монгол хэлний шалгалтын оноог харгалзан жагсаан тухайн хөтөлбөрийн хяналтын тоогоор тасалбар болгох зарчим баримтална.
- 6.3.4. Шалгарсан бүртгүүлэгч “Суралцагч суралцуулах гэрээ”-ний нөхцөлийг хүлээн зөвшөөрч, нэхэмжлэхийн дагуу **2022 оны 08 дугаар сарын**

20-аас 2022 оны 08 дүгээр сарын 27-ны хооронд сургалтын төлбөр төлсөн өдрөөс эхлэн гэрээ хүчин төгөлдөр болно.

- 6.3.5. Гэрээ хүчин төгөлдөр болсон дарааллаар хяналтын тоонд багтаан элсүүлнэ.
- 6.3.6. Хяналтын тоонд багтсан элсэгч цахим шуудангаар илгээх удирдамжийн дагуу хичээлийн жилийн сургалтын үйл ажиллагаанд бүртгүүлэн оролцоно.
- 6.3.7. Элсэгч дараах бичиг баримтыг бүрдүүлж гэрээний дагуу 2022 оны 09 дүгээр сарын 17-ны дотор Сургалтын албанд хуваарийн дагуу хүлээлгэн өгсөн байна.
- Гарын үсэг зурж баталгаажуулсан Суралцагч суралцуулах гэрээ;
 - Цээж зураг /хэмжээ 3x4, 2 хувь/;
 - Гадаад паспортын хуулбар, баталгаат орчуулгын хамт;
 - Өмнө нь эзэмшсэн боловсролын түвшинг илтгэх гэрчилгээ, диплом түүний дүнгийн хуулбар /баталгаат орчуулгаар орчуулсан байх/;
 - Суралцах хүсэлтээ илэрхийлсэн өргөдөл /Монгол хэлээр/;
 - Эрүүл мэндийн магадалгааг холбогдох эмнэлгийн байгууллагаар баталгаажуулсан байх;

Долоо. Төлбөр тооцоо

- 7.1. Шалгуур хангасан элсэгчид төлбөрийн хэмжээ, төлбөр төлөх хугацаа, дансны мэдээлэл, гүйлгээний утга (Суралцагчийн регистрийн дугаар, овог, нэр)-ыг багтаасан тухайн хөтөлбөрийн сургалтын төлбөрийн нэхэмжлэхийг цахим шуудан болон элсэлтийн системээр илгээнэ.
- 7.2. Гэрээнд заасан хугацаанд нэхэмжлэхийн дагуу төлбөр тооцоо хийгдсэн эсэхээс хамаарч Суралцагч суралцуулах гэрээ хүчин төгөлдөр болно.
- 7.3. Дараах нөхцөлийг хангасан тохиолдолд харгалзах эхний улирлын төлбөрийн хөнгөлөлтийг дараа улирлын сургалтын төлбөрт шилжүүлэн тооцно.

Шалгалт 1, Шалгалт 2 -ын нийлбэр оноо	Хөнгөлөлтийн хувь
1,280 -1,339	20%
1,340 -1,399	40%
1,400 -1,439	60%
1,440 -1,499	80%
1,500 -1,600	100%

- 7.4. Суралцах гэрээ хүчин төгөлдөр болсны дараа элсэгч өөрийн хүсэлтээр гэрээг дуусгавар болгох тохиолдолд бүртгэлийн үйлчилгээний хураамж 100,000 төгрөг суутган, сургалтын төлбөрийг буцаан олгоно.
- 7.5. Бүлэг бүрдэлтээс хамааран сургалт зохион байгуулагдаагүй тохиолдолд сургалтын төлбөрийг 100% буцаан олгоно.

Сургуулийн цахим хуудас: www.humanities.edu.mn
Элсэлтийн комиссын и-мэйл: admission@humanities.mn
Утас: 7711-1500